

derwy

DONDERDAG, 27 APRIL 1972 DIE TRANSVALER LAAT UITGANG 5c

# TIMOL: GETUIENIS OOR GEHEIME NAME EN TAAL

KOMMUNISTE in Suid-Afrika is aangesê om fotografiese toerusting te koop om foto's te neem wat „lyding uitbeeld wat op ons mense afgedwing is deur ons vyand.”

Dit blyk uit een van die dokumente wat by Ahmed Timol gevind is en wat as bewysstuk A 26 by die geregtelike ondersoek na die Indiëraangehoudende se dood ingedien is.

Timol het die opdrag na bewering uit Londen ontvang. Hy was volgens eie erkenning leier

van een van die hoofsele van die Kommunisteparty in Suid-Afrika.

Die opdrag oor die foto's gaan verder:

- Foto's moes van „vyandelike installasies — met spesiale klem op lewensbelangrike nywerheids- en militêre installasies” — geneem word.
- Fotografiese toerusting moes ook gebruik word om dokumente te vervals.

Die Kommunisteparty in Suid-Afrika bestaan uit hoof-

selle en subselle. In die subselle moes daar verkieslik net drie mense wees. Te veel sou 'n te groot risiko meebring.

Aanvanklik moet daar nie direkte verbintenis wees tussen lede van die hoofgroep en enige subsele nie.

As 'n lid van 'n subgroep deur die polisie aangekeer word, moet die hele groep ontbind word.

'n Kodestelsel is volgens die dokument „absoluut noodsaaklik vir die groei van ons organisasie. Dit is noodsaaklik vir

kommunikasie tussen lede van hoofgroepe en subeenhede en om 'n stelsel van rekords op te bou. Twee geheime stelsels van kommunikasie is voorgestel en name kon daaraan gegee word soos „BABY” en „MOTHER” of „FATHER.”

Die een stelsel moes net in die spreektaal gebruik word en die ander stelsel sou visueel wees.

In 'n brief gedateer 9/9/1971, bewysstuk N, skryf 'n „vriend en kameraad” aan Timol onder die skuilnaam „International”

o.m.: „When are you coming to England? Have Quentin contacted you? Stay far from him. I am suspicious.”

(In die hof is deur polisiegetuies beweer dat Quentin 'n verwysing is na Quentin Jacobsen wat onlangs in die terroris-teverhoor in Johannesburg verskyn het.)

- Besonderhede oor hoe Timol in Oktober verlede jaar aan sy einde gekom het, verskyn op bl. 9.
- Nota's wat kapt. Gloy van

die Veiligheidspolisie afgeneem het terwyl hy vir Timol onder-vra het, is ook gister by die hof ingedien. Dié bewysstuk beslaan twee bladsye in kapt. Gloy se eie handskrif. Die res is nie ingelewer nie.

Dié bewysstuk — „R” — lui: „International: Hy is 'n goeie vriend vir 'n aantal jare. Hy is 'n regte losbol sonder vaste heenkome. Het baie vriende en geld dog geen vaste verblyf of werk nie. Woon by familie van twyfelagtige afkoms.

„Hy besoek gereeld Wits en

het baie vriende daar. Ken vir Quentin, Martin en Henry. Dikwels saam rondgery. Daar was 'n keer toe hulle saam aan 'n kar laat werk het te Fordsburg. Hulle was saam by Fordsburg.

„Kan nie plek beskryf nie. Gepraat van pappas. Was op partytjie by Pahad se woonstel. Hier was net 'n paar vriende.

„Het gebruik gemaak van sy pa se kar. Het net oor sokker gepraat. Hy is lid van Kynamo Sycids Club en van Syssamo

Club. Het gereeld besoek by klub afgeleë en ken baie mense daar.

„Moes klubs, skole en organisasies besoek en aansluit.

„Het partytjies bygewoon te Roodepoort, onbekende huis. Baie mense eienaardig. Ken vir Saleem, was egter dronk en kan nie ander gaste onthou nie.”

Volgens Timol was „International” 'n vriend met die naam Ebrahim Essop.